

乾隆元和縣志

元和縣志卷之二十二

人物

陸機吳趨行云屬城或有士吳邑最爲多八景
未足侵四姓實名家文德熙淳懿武功俾山河
而唐景亦曰家無不孝之子朝無不忠之臣文
爲儒宗武爲將帥雖不無溢美之辭要以山水
清嘉人文彙萃此其選也元和地分長洲之半
而人材挺生是當三不朽之一者後先相望迄
而隱居獨行藝述乎道不幸遭時變故知以

自重而不忍決裂其防者亦不乏焉彙而傳之前事之不忘後事之師也流風遺烈更百世下猶有感慕而興起者乎前志分類頗繁今統以人物名之孝義流寓別繫於後○長洲置縣始唐萬歲通天元年唐以前人物不屬長洲於元和益無與也然里居瑩域可考如歸登業績顧榮之類應屬元和又前史及舊志槩稱長洲而別無里居瑩域稽核者如歸登業清臣之類應兩邑並存慮彼並不致致湮沒也自明以來凡籍稱長洲而人係

元和者固當備列卽籍非長洲而人實元和者

如黃魯曾袁洪愈之類

亦得列焉又有人與籍皆非而

墓在元和其人實有可尊者

如陳鑑揚廷類之類

亦並列

焉惟顯屬他邑與元和無與者不得混入以紊

體例持此以爲準庶無混淆挂漏之失矣志人

物

東漢

顧綜字文緯吳人明帝時辟有道歷御史大夫尙書

令時帝舉三老之禮以正月上日踐辟雍設几杖

元和縣志

卷二十二 人物

二

從綜乞言綜於東漢書無傳相傳有墓在婁門外
塘北唐顧況撰廟碑有云刊石婁門德輝不滅其
徵也吳丞相雍其裔孫明人周復俊贊曰尊事黃
帝顯融儒術上代元規明王懿則首闢三雍昭示
萬國文緯老成帝師其德

顧訓東漢人仕太原太守五世同居聚族至百口吳
郡志云訓歲時聚子孫悉坐依次行酒三歲以下
並自知位次所居旁有橋吳人以百口名之又名
試飲橋地在今路唐橋東故知子姓同居不絕張

公藝也

陸績字公紀父康少篤孝弟勤修行太守李肅舉肅
孝廉肅坐事誅康爲歛送還鄉以義稱績年六歲
於九江見袁術術出橘績懷三枚去拜辭墮地術
曰陸郎作賓客而懷橘乎績跪答曰欲歸遺母術
大奇之孫權建國辟爲奏曹掾以直道見憚出爲
鬱林太守加偏將軍績志在儒雅雖有軍事著述
不廢比歸無裝舟輕不可越海取石爲重人稱其
廉號鬱林石亦號廉石故居捨爲寶光寺

吳

顧雍字元歎德宇淹深夙播人譽權爲吳王累遷大
理奉常領尚書令封陽遂鄉侯拜侯還第而家人
不知雍不飲酒寡言語舉動時當權常歎曰顧計
不言言必有中至飲宴歡樂之際左右恐有酒失
雍必見之不敢肆權亦曰顧公在坐使人不樂後
改太常進封醴陵侯代孫邵爲丞相選用隨材授
任心無適莫時訪逮民間及政職所宜轉密以隱
免結則歸之於上不用終不宣洩權以此重之焉

相十九年年七十六卒諡榮以功業顯於晉

晉

顧榮字彥先雍次子瑒之子也仕吳黃門侍郎吳平
吳陸機陸雲同入洛時號三俊俱拜郎中歷尚書
郎趙王倫篡位以榮爲子大將軍處長史初榮宴
飲見執炙者有欲炙之色割炙啖之客問故曰豈
有終日執之而不知其味者及倫敗榮被執將誅
而執炙者爲督率救之得免齊王冏誅倫召榮爲
大司馬主簿榮懼禍終日昏酣不綜府事以情告

友人馮熊熊謂同長史葛旗曰以顧榮爲主簿所以甄拔才望今府大事殷非酒客之政旗曰榮江南望士且居職日淺不宜輕代易之熊曰可轉爲中書侍郎不失清顯而府更收實才旗然之白同以爲中書侍郎在職不復飲酒或詰之曰何前醉而後醒耶榮懼乃復飲及同誅榮以討葛旗功封嘉興伯長沙王又爲驃騎復以榮爲長史又敗轉成都王頴丞相從事中郎惠帝幸臨漳以榮兼侍遺行圍陵會張方據洛不得進避之陳留及帝

遷長安徵爲散騎常侍以世亂不應遂還吳市
海王越聚兵於徐州以榮爲軍諮祭酒屬廣陵
陳敏反阻兵據州假榮右將軍丹徒內史榮數遭
危亡恒以榮遜自免敏欲誅諸士榮說解之敏納
其言悉引諸豪任之仍遷甘卓出橫江堅甲利器
盡以委之榮私于卓曰若江東之事可濟當共成
之然卿觀事勢有濟理否敏旣常才政令反覆子
弟各以驕矜其敗必矣而吾等安然受其官祿重
敗之日使江南諸軍函首送洛題曰逆賊顧榮甘

卓之首豈惟一身顛覆辱及萬世可不圖之卓從之明年周玘紀瞻與榮及卓起兵攻敏榮舟在南岸敏率萬餘人出不獲濟榮麾以羽扇其衆潰散事平還吳永嘉初徵拜侍郎行至彭城見禍難方作遂輕舟還元帝鎮江東以榮爲軍司加散騎常侍凡所謀畫皆以諮焉六年卒官贈侍中驃騎將軍諡曰元後追封爲公墓在葑門東九里朝天湖南寰宇記云在赤門外九里卽其地也

何求字子有其先瀕人宋宜都太守鑑子也元嘉末
爲文挽郎歷太子洗馬丹陽郡丞清退無嗜慾後
爲太子中舍人泰始中妻亡還吳葬舊墓除中書
郎不拜仍住吳隱居波若寺足不踰戶人莫見其
面久之除永嘉太守一夕乘小船逃歸隱虎邱山
齊永明四年拜大中大夫不就卒

何點字子皙求弟幼居父母喪盡哀及長感家禍欲
絕昏宦不肯娶博通群書善談論家本素族親姻
多貴仕雖不入城府而邀遊人間不簪不帶以人

並高無所與屈或乘柴車躡草屨恣心所適致
而歸兄求卒點蔬食不飲酒泰始末徵太子洗
馬齊初徵中書侍郎太子中庶子並不就梁武帝
革命與點有舊賜鹿皮巾召之點以巾褐入華林
園詔拜侍中辭疾不受天監二年卒

何允字子季更字允叔八歲居憂致毀如成人及長
好學不倦仕齊以后族貴顯拜表辭職東之會稽
居若耶山雲門寺初允兄求點並栖遁故或稱求
爲孝隱士點爲小隱又稱求爲大山允爲小山又

稱何氏三高永元中徵之爲太子詹事梁武帝詔
爲特進光祿大夫並不給白衣尚書祿同辭遷
秦望山起學會七十餘乃移還吳居虎邱山西寺
講經論僧徒從之嘗禁殺有虞人逐鹿徑來趨之
伏而不動又有鳥如鶴紅色集講堂馴狎如家禽
大通三年卒年八十六

唐

張從師郡人生平見張說所撰墓志云冲和純粹辯
博閑達卓犖好古儻蕩逸群忘懷樂道如浮雲無

元和縣志 卷二十二
心野鶴獨立上元二年終葬虎邱西原子惟儉惟
靜弱歲皆通左氏穀梁春秋

歸崇敬字正禮天寶中舉博學鴻詞對策第一
授左拾遺肅宗次靈武遷官集賢校理以貧求出
外未幾有事橋陵建陵召還參掌儀典代宗幸陝
召問得失崇敬極陳生民疲敝當以儉化天下則
國富而兵可用大歷初充弔祭冊立新羅使海道
風泝舟幾壞衆謀更期崇敬不肯還獨濟使還不
尋命授國子司業兼集賢學士八年遷吏部尚書未

至而哥舒晃亂廣州監軍御史憚之請益祀崇敬
正色曰君命豈有異耶遂往在職多所建議坐事
貶饒州司馬德宗立召還累遷兵部尚書封餘姚
郡公年八十八卒諡曰寧論撰十數篇

歸登字冲之崇敬子也舉孝廉高第補四門助教又
舉賢良方正貞元初自美元尉拜右拾遺裴延齡
得幸熊執易疏論之以草示登登勅容曰雷霆之
下君難獨處願竄我名轉右補闕遷工部侍郎憲
宗朝以從職入謝上問政所先登知帝庸而果於

斷勸順納諫諍中外傳爲讜言累官工部尙書封
長洲縣男元和末卒諡曰憲

歸融字章之登之子元和中進士事文宗爲翰林學
士開成初拜御史中丞湖南觀察使盧周仁進羨
餘錢億萬融奏請還之代貧民租入累官兵部尙
書封晉陵郡公會昌後朝廷典禮多本融議大中
七年卒子仁晦仁翰仁憲仁紹仁澤皆登進士第
融字魯望吳人元方七世孫舉進士不第辟蘇
二部從事退隱松江甫里言用數十畝屋二十

檣田苦下雨汝則與江通故常苦飢身存而
或訊其勞答曰堯舜微瘠禹胼胝彼聖人也吾褐
衣敢不勤乎嗜茶品泉不喜與流俗交嘗設簾席
齋東書茶竈筆牀釣具往來時謂江湖散人或號
天隨子甫里先生以高士召不至李蔚盧薦素重
之及當國召拜左拾遺詔方下龜蒙卒光化中贈
右補闕有集二十卷

五代

皮光業字文通日休子也日休爲蘇州從事光業家

於蘇美儀容善議論錢鏐辟以爲屬吳越建國以
爲相教令儀注多出其手嘗于坐間得句云行人
折柳垂輕絮飛燕啣泥帶落花衆交口譽裴光約
抗聲曰二語偏枯不工以柳俱有絮泥或無花也
光業折服父以文章名子琛孫子良皆以文雄於
江東

大仁壁字廷實大順二年進士初從學廬山道士時
於古松流水間獨坐終日神專氣寂道士曰能出
世乎曰能居久之似不忘求名意道士曰一第甚

易但他年勿干英雄仁雖既成名之江東吳越王
鏐待以客禮訪求天文辭不知欲辟人幕又辭天
復初鏐其禮幣請爲母秦國夫人永邱氏墓碑因
辭鏐怒沉之江時人憐之有詩一卷

宋

劉少逸亡其字年十一文辭精敏有老成體從其師
潘聞謁長洲令王禹偁吳縣令羅處約以文爲贄
二令疑其假手未之信因與聯句畧不涉思凡數
十聯皆敏妙勝於出句二令斂手服聞於朝賜進

士及第官至尙書員外郎

清臣字道卿幼敏異好學善屬文舉進士知貢舉
劉筠奇其策擢第二授太常奉禮郎累遷太常丞
進直史館京師地震上疏極言時政闕失中云范
仲淹余靖以直言被黜天下之人齟舌不敢議朝
政者將二年願深自咎責許忠直敢言之士庶幾
明威降鑒數日范仲淹等皆遷徙會詔求直言清
臣復上疏論大臣專政仁宗嘉納之寶元初請外
為兩浙轉運副使時太湖有民田豪右踞上游水

不得泄民莫敢訴清臣請疏盤龍漚漚潰入於海
人賴其利慶歷初出知江寧府入爲翰林學士丁
父憂服除以翰林侍讀學士知邠州又改澶州知
永興軍浚三白渠溉田六千頃餘上御天章閣召
公卿出手詔問當世急務清臣條對極論時政言
多劇切復爲翰林學士權三司使時清臣以河北
乏兵食自汴漕米山河陰輸北道者七十餘萬又
請發大名庫錢以佐邊糴而安撫使賈昌朝格詔
不從清臣固爭疏其跋扈乃徙昌朝鄭州清臣爲

侍讀學士知河陽卒贈左諫議大夫

胡稷言字正思少學文於宋郊性抗爽敢談天下事
出所著時議獻范文正仲淹仲淹稱之既從胡文
昭瑗學遂精經術以特奏補官調晉陵尉歷主郭
縣簿山陰丞度不能究設施乞致仕卽所居臨頓
里築小圃編籬蒔菊自擬泉明恬澹寡欲日晡後
不復飲食客至清言而已獨喜延引後輩時論歸
之

祥字厚之其先姓危氏吳越王恩其姓易爲元絳

舉進士以廷試誤賦韻得學突出身再舉登第調
江寧推官攝上元令范文正仲淹爲安撫使表其
才知永新縣擢江西轉運判官入爲度支判官時
農智高反嶺南宿軍邕州而歲漕不足絳出爲廣
東轉運使建瀕江水砦數十以行道寇建治十五
城樓堞器械皆備軍食有餘以功遷工部郎中擢
天章閣待制進龍圖閣直學士知開封府拜三司
使參知政事後加資政殿學士以太子少保致仕
歸吳與陳師孟等爲九老會有居第在帶城橋知

州章岵爲建哀緒坊年七十六卒贈太子少師諡
章簡有文集四十卷讞獄集十三卷

林處字德祖少穎悟絕人伯父希嘗獲古鏡背有龍
翔二字處從傍曰是非唐大帝時物乎希異之曰
是兒眉過於目當復以文名世可繼祖德矣因以
德祖字之登進士除潤州教授入爲太學錄復出
教授常州時方以三舍取士處身爲勸率服教者
衆大觀三年廷試常士預選者五十三人上賜詔
進賢受上賞知州教授特轉一官處由奉議郎

以宣德郎知州徐申於學之南立進賢坊萊陽亭
以崇之在職六年陞對音加鄒充二國公證除開
封府左司錄以府尹不禮上章乞歸卒處嘗作
朱長文吳郡圖經續記序中云吾家居於蘇著籍
此州者五十年今帶城橋儒學坊吾家傍也知處
爲城南人云

方惟深字子通父龜年泉州人能點筆作賦爲公卿
所重官至屯田郎卒葬長洲因家焉惟深鄉貢第
一試禮部不中卽棄去有田數十畝與弟躬耕竭

作閒則讀書著文每一篇出人爭傳誦遊王安石
門安石稱其精淳警絕然視新法不善漸與疏遠
畧無比附意元符初郡將薦於朝崇寧中復以遺
逸應詔皆不赴有司舉其籍以年格得興化軍助
教未幾卽去官年四十無子而弟有子以爲先人
有後足矣卽屏居於外旣老預知死期喪葬皆有
治命年八十三有詩集十卷

楊懿滿字彛甫其先自浦城徙長洲少孤力學言行
相顧無夕儲積貳氣昌隆平不爲知其貧也崇

寧二年特奏名後調官一歲不第載妻歸吳時與方惟深並稱吳中二老

黃由字子由父雲通經術教授里中寧宗在嘉邸時書成齋二字賜之後爲淮西酒官由少承家學善屬文淳熙八年廷對時甘昇爲入內押班招權市賄與曾覲王抃相盤詰由對策及之逆舉進士第一吳自有科目以來冠多士者自由始授南安簽判秩滿通判紹興府徙新岷督行荒政改糶爲賑擅發米五萬石予民除正字遷著作佐郎使金還

遷將作監嘉王府贊讀紹熙五年孝宗疾革光宗不能視疾人情恐懼由請嘉王過重華宮問安孝宗爲感動寧宗卽位累擢權禮部尙書兼吏部將大用之會知錦州王沈上疏乞置僞學之籍於是趙汝愚以下凡五十九人俱以僞學得罪著籍由上言人主不可待天下以黨與不必置籍以示不廣御史張巖劾由阿附權臣植立黨與遂罷由而擢沈利路轉運判官嘉定初由知紹興府浙東安撫使閭閻縣舊有虎患詔言沈歲久有紳耆變化

或爲僧形或爲猥狙其可踪跡出壽於神募勇士
殄滅無遺種民賴以安
年除刑部尚書兼直學
士院官至正奉大夫卒贈少師宅在縣治東北階
庫巷

胡元質字長文城南人初寓臨安閭鄰夜哭詢之乃
貧士爲人責償鬻其女與別元質傾橐予之光宗
卽位薦入爲太學正歷給事中嘗極論人主言動
不可不謹至累百言帝書之座右爲書王褒聖主
得賢臣頌及親製大才論以賜出守和州太平建

康皆有政績淳熙中四川制置使知成都奏減蜀
鹽虛額錢大畧謂蜀鹽取之於井山谷之民相地
穿鑿深至六七十丈率而得泉以木葦爲囊數十
人引大繩汲取之自子至午泉脉漸竭乃繩人入
井以手掬取投之於井引繩以上此數十人晝夜
號呼推車挽繩不息然後得水入甕煎熬成鹽比
南方煮海人力所及與陝西解池工力百倍又有
小井謂之卓筒大不過數寸深亦數十丈以竹筒
設機抽泉窮日之力所得無幾鹽一困窮可以樂

見而簡州鹽額最重虛額尤多云云由是每歲計
豁除折估銀五萬四千六百餘貫又請蠲獎路九
州民間歲置金銀重幣蜀人德之後歷官放文閣
學士吳郡侯致仕卒贈金紫光祿大夫元質平居
未嘗疾言厲色評人短長或告人之傾已輒俯首
欲寐人服其長厚子綰繡絳皆有名

方萬里字子萬嘉定四年進士教授江陰軍儲義庫
置小學謹禮儀紹定五年以朝奉郎知江陰軍累
遷太常簿贈正奉大夫萬里尚學履行遠近敬之

趙汝述守平江遇之甚至汝述卒賓客皆散去萬里獨爲護喪時人義之有宅在帶城橋東

姚原字子東七歲而孤不藉師長自能讀書嘗應舉卽棄去曰窮達有命名無妄求由是杜門著述號北憲居士有纂元洞微經刻溪叢話王林瑤篇等書

張慶之字子善少喜讀諸子書精思積年擬太元作測靈絕意仕進有遊山水癖移家虎邱著虎邱賦號海峰野逸做五柳先生作海峰逸民傳以伯夷

蔣詡陶潛司空圖自況且謂沈冥似海峻鵬以
時人尙其狷介初文天祥守平江慶之齒諸生之
列洎亡國集杜詩備述天祥平生大節有海峰文
編并老子注測靈衍語

元

袁易字通甫其先汴人祖珣南渡葬蛟龍浦之赭墩
世居長洲父樞娶濮安王女爲郡馬元軍下江南
與拒敵全家被害有僕負易竄得不死少英敏向
學嘗薦於朝不就隱吳淞之濱築堂名靜春左江

太湖禽魚翔泳或風止雨收小舟出沒扣舷高歌
望而知爲世外人也趙子昂重其品作臥雪圖貽
之與郭麟孫襲璫稱吳中三君子有詩四卷子泰
孫永福亦以能詩名

俞元變字邦亮少貧養母甚孝通書傳博采群說著
集傳十卷或問二卷郡校士予以專經師之譽謂
其徒曰宋亡舉子餘習非經本旨文極則反質矣
朝廷取人材於斯文必求諸義理之實乎未幾延
祐科舉詔下多如所云而元變終身不與省試

金可文城南人少負經世才元初自晦於衆嘗以
園科召不赴曰幸有廬一區可以避風雨出一
可以給衣食學聖賢道終身自樂不願仕也錫號
貞逸

陳深字子微別號清全閩閩浦人宋亡閉門著書天
歷間或以能書薦潛匿不出著讀易編讀書編讀
春秋編等書請業者屢戶外滿年八十五卒卒之
前惟飲酒誦白樂天詩謂子植曰吾中無所愧惟
全歸而已有遺書一卷植字叔方少負才氣喜與

卷之二
訓
倜儻之士遊旣而折節讀書著孝行屢辟召不起
陸德原字靜遠天隨裔孫也喜與宿儒遊以學校事
爲事嘗請於郡創甫里書院建齋立師事聞於朝
卽署德原爲山長大德六年移長洲縣學德原謂
規制隘陋以豪民從貸錢數萬緡責其本助之學
廼改觀又葺吳中子游道南祠秩滿遷徽州路儒
學教授時徽學亦久廢謀改作財用不足願傾家
以資土木費會郡檄來吳購良材募募工以往達
病疾終於家

邊景元字長卿宋朝奉大夫珣八世孫幼端謹好書
累世明於春秋丞相文天祥手書世麟二字名其
堂景元指示子孫曰願我後人毋忘先業也廷臣
薦於朝爲國子伴讀以病辭居鄉教授生徒會長
洲邑庠久廢弦誦無所乃告郡之巨家度材庀工
恢廓舊規後稱極盛厥功偉焉子昌字伯盛張士
誠據吳以禮招致予以官弗就

李世英字伯英精於書學作韻類三十卷以字爲本
以音爲幹以義訓爲枝葉自一而二井井不紊書

成凡十年從子文伯又本說文作字鑑五篇辨點
畫正僞謬時推小學功臣

虞堪字勝伯宋丞相允文後家吳淞之濱伐薪汲泉
天趣自足鄉人嘗設義塾延講敘家多藏書重生先
世手澤聞有雍公遺跡千里外必多方購得之從
祖伯生遺稿亦堪編定洪武初強薦起官雲南府
學教授卒於任所著有坡樵集

張介福字子祺先世自覃懷徙吳中家葑婁間家故
貧寒不能具夾襦或以紵絮遺之不受張士誠之

亂兵入其家危坐不爲起命導之他所不應以刀
斫其面傷仆地既醒復取冠戴之不動兵怪以爲
望乃見異物驚走去又恐或發其墓往窺焉土誠
聞欲羅致之不可使其弟往問語以無樂亂無介
天禍無失人心等語病且死謂其友曰吾志慕古
未能萬一惟無汚於時庶幾哉

吳淳字伯馨與兄同居兄疾廢不良於行臥床十餘
年元末兵亂淳負兄避兵遇寇淳拜曰吾可殺兄
不可害也賊故斫兄淳以身蔽之與兄各中數創

死亂尸中賊退後甦况既死獨身遭卑由山卽陽山以壽終

朱通字文傑家饒於資好讀書慕古人奇節仕元爲萬戶侯壬辰兵起盡散其家財以衛閭黨時張士誠據平江一時志節之士多歸之通不屑往洪武初以賢良徵復不就曰吾家世有隱德不願富貴但願吾子孫得爲善人永保詩書之澤足矣乃卜居楓江相地九龍山與妻偕隱焉妻沈氏卽萬三女知有家難不受嫁資其高弟畧如通云後宗伯

吳寬題其像曰彥英挺生肇基於吳鳳舉鶴雲白
愛吾瑜翱翔九區風月五湖何以裕後左史右圖
志明繼之孝養愉愉時歌南陔琴酒歡呼維彼詰
人實師吾徒觀文定數言可以想其高致矣崇祀
鄉賢復置專祠春秋編祭

明

高啓字季迪號槎軒少有才畧長於詩張士誠據吳
其佐饒介之多羅致名下士重啓詩奉金幣延爲
上客啓謝去依婦翁隱吳淞江之青邱號青邱子

洪武初被召修元史授翰林國史院編修復命致
授諸功臣子弟盡職帝御闕樓召對特拜戶部侍
郎啓自陳年少不敢當重任又不閑握算固辭詔
資內帑白金放歸需異日用時魏觀以太常卿出
守吳郡故與啓善爲移其家於郡城夏侯里時以
政治諮訪會觀改徙郡治於子城啓爲作上梁文
有龍蟠虎踞語衛帥劾之爲危言以動上以子城
曾爲僭號者所據而觀徙其地有其志也命御史
張度按其事度平爲辨上深治觀迎坐啓聚市年

三十九無嗣明初吳下詩人有北郭十友而唐吳
楊基張適徐賁稱四傑唐之王楊盧駱云
著有缶鳴集十二卷景泰中徐庸彙爲大全集謝
徽字元懿浦里人與高啓同應召同授翰林院編
修同修元史同召對稱旨啓擢侍郎徽擢吏部郎
中不受職同賜金歸里同啓坐法後徽再起爲國
子助教令終詩有蘭庭集弟恭字元功有蕙庭集
傳著字則明洪武初詔修元史命左丞相李善長爲
總裁官徵山林遺逸之士爲纂修官著與高啓謝

徽諸人與焉史成歸爲常熟教諭蘇州知府魏觀
行鄉飲酒禮長洲教諭周敏侍其父南老著侍其
父玉皆降而北面立觀禮者以爲盛事後歷官知
府卒

宋克字仲溫居長洲南宮里自號南宮生亦居婁門
少任俠好走馬擊劍究韜畧張士誠欲羅致之不
就幾中以法以智免家居以氣節自勵性抗直人
有過輒面折之無少容與人論議故事析理則於
一勝同知鳳翔府事有政績尋卒死中歲厭世事

闕一室置周彝漢鼎唐琴宋碑於其間尤喜季書
碑版座右羅列元季學書者多宗趙丞旨子昂充
獨不受繩縛亦書中之豪也時有宋廣字昌裔亦
善書時稱二宋書法

周敏字遜學南老子少歲以儒士選與同列者九人
備顧問太祖問小儒生何籍曰蘇州有父母乎曰
臣父母年七十太祖出爲長洲教諭俾就家養親
魏守觀之移府治也忌者蜚語上聞上使御史張
度往覘度詭爲日者主敏齋適新治落成僚屬率

詣府賀敏獨不往御史問焉曰上命訓諸生賀上官非吾分也後魏守羅罪諸賀者皆不免敏得脫然已遷安都尉爲奸民所訐械至京建文帝在東朝悉其寃奏白無罪詔諒奸民賜敏大官膳復職終身以謹慎稱

王賓初名國賓字仲光號光菴性穎異博學尤精于醫與韓公望並以醫名賓不樂仕進且母老不忍離或勸之出曰吾憚爲犧也久之辭爲清狂人多厭棄之姚善守吳郡奇其人造訪賓隱門內語曰

勿驚吾母踰垣出善屏車騎更往始定安年七十
先母死已死復甦抱母氏呼孃孃者數然後絕其
篤孝如此公望名亦一日背自號蒙齋著詩自娛
兼以醫利人然不肯入貴人室太守姚善旣晤賓
復走訪之善不見再至避之楞伽山善隨至已泛
舟入太湖善太息曰所謂名可得聞身不可得見
者於韓先生遇之

趙文字宗文甫里人洪武間以人材舉母老歸養永
樂五年翰林典籍梁時薦其有理民才授知番易

縣嘗言牧民如牧牛願其性時其勞逸自不紛紜
也忤權貴人謫靜海後赦歸優游江湖以終所著
有慎獨齋集題金山寺詩領聯云惟海西來三百
里大江中湧一孤峰楊文貞士奇歎爲絕唱渡江
訪之同時有周谷賓名興亦甫里人與宗文並以
詩名永樂初以少師姚廣孝薦召試稱旨授官博
士堅辭不獲自殘一足得乞歸號跛樵

劉敏字孟功以禮子學行純篤事父至孝凡可以悅
親者爲之惟恐不及親歿久言及輒淚下仲弟敬

嬰疾藥餌必手治弗假僕從士有寒而來歸者周之不厭有司聞其賢薦於德清令勦強植善民甚懷之後以善書徵入翰林擢中書舍入朝士多推重之修撰張洪嘗爲文贈之曰南北宦遊來京者所稱許必曰孟功有不知孟功者蓋非賢也其重之如此

劉政字仲理以禮子敏弟以禮以明經薦授沛縣教諭訓士有法能得士心治家以孝弟聞政有至性博學好問其行義尤厲建文元年學士方孝孺主

南畿試以託孤寄命爲題得政卷歎曰此鳥中孤
鳳當虛左待也遂置第一政感孝孺知益讀書思
所以自奮凡制度禮樂兵刑河渠諸大務靡不究
心會靖難師起聞其師孝孺以不草詔被刑憤極
慟哭不食死政後多名臣耳孫曙另有傳

趙友同字彥如先世金華人徙居長洲少從宋潛溪
濂游洪武末任華亭訓導歲滿當遷姚廣孝言其
世良於醫授太醫院御醫又詔從夏原吉治水原
吉重其文學薦於朝詔修永樂大典暨四書性理

大全書成當遷翰林以母喪歸歿於家孫曰璽有
文名夏時字建中性至孝治春秋通醫學受業友
同父仁盡得其傳永樂間以經明行修舉於鄉任
蘇州府學訓導滕權字用衡後更名用亨尚書德
懋從子少從德懋游學四方廣聞見爲文有法度
尤精六書之學永樂三年被薦年已老矣召試瀕
符三詩并書麟鳳龜龍四大字稱旨授翰林待詔
與友同並修永樂大典

上汝玉名璡以字行洪武末以薦攝應天教授擢翰

林五經博士永樂初進檢討再進贊善仁宗在東
宮時與解學士縉等應教撰神靈賦居第一特深
眷注後縉以議建儲觸漢王高煦怒媒孽至死因
縉牽連汝玉同下獄汝玉緣此論死仁宗立贈太
子賓客諡文靖兄汝器名璉洪武壬子會試授編
修肄業文華堂命宋濂爲師璉在選中弟汝嘉名
璉永樂中詔修五經四書性理大全授翰林五經
博士進侍讀仁宗初開宏文閣璉直其中禮遇
初終不衰璉與璉皆有文譽璉尤以理學顯

徐謙字允高宋徐爽十二世孫登鄉薦任中書舍人
陞光祿寺寺丞建文中丁母艱服闋將赴都適勅
下詔下謙卽募勇士數千又與蘇鎮常嘉松知府
姚善等期爲後援遂先赴儀鎮與燕兵大戰勝之
旣而燕兵四集五郡援兵不繼戰死年五十五

高庸字季常甫里人季迪從子永樂四年進士盡子
道一出入必稟命於父父命課耕執犁鋤立隴畔
竟日雜傭保中時已成進士也授蒲山縣視政或
小有失平父擊版廳事後庸入卽趨跪受訓故境

無冤獄丁內艱歸改令餘姚卒於官

陳祚字永錫永樂九年進士選庶吉士御筆授河南
右參議言事謫太和山佃戶與妻王躬耕餽餉十
年處之晏然宣德初召爲御史按江西時帝留意
狗馬聲色祚馳疏勸勤聖學大畧謂帝王之學在
于明理明理在于讀書宋儒真德秀大學衍義凡
聖賢格言靡不具載欲致太平舍是書不可願於
聽朝之暇命儒臣進講非有大故不宜間歇必能
開廣聰明增益德業而邪佞之以奇巧蕩上心者

自見疎遠矣上覽疏震怒曰豈儒者未讀大學耶逮至京籍其家連父母妻子禁繫五年其父貴瘕死英宗立復祚官祚再按湖廣益持風節遼王貴烺請酷祚與巡按吳政劾之上怒俱械至京論死未幾言俱驗得釋改南院御史言事如故尋遷福建按察僉事民懼其威不敢犯神祠不載祀典者悉撤去之以其材修學宮與官舍久之引疾致仕前此父母死藁葬歸始改葬成禮吳中廬舍已籍沒有司至是葺屋葺門郊外居四年卒吳人稱

爲冷鐵御史

孔友諒字信伯聖裔也先世流寓於吳遂爲長洲人
永樂十六年進士授庶吉士出知雙流縣宣德八
年命吏部擇外官有文學者試之得友諒及胡楨
等七人令辦事六科二年並官給事中友諒得刑
科方授官卒宣宗初嘗上言於朝一日科舉所以
求賢必文行相稱請於科舉之歲詳核諸生有行
優者乃許入試庶國家得真才之用一日祿以養
廉祿入過薄則生事不給食者巧取廉者終窮請

量增官俸俸俯仰有資一日古者賦役量土地驗
丁口以輸將不應於常賦外復有和買采辦等事
擾累則國賦有常民用不困餘多切於時務當時
頗見嘉納時論建之子鏞爲名臣別有傳

仰瞻字宗泰永樂九年舉於鄉官虎賁衛經歷遷大
理丞正統間奄人王振用事百官相見俱鞠脛爲
禮大理卿薛瑄少卿顧惟敬及瞻獨不屈某指揮
死振從子山欲娶其妾妻不許妾誣妻以藥毒夫
煅煉成獄瑄率少卿以下爭之瞻辨益力振怒欲

殺瑄瞻又與辨蔚州衛兵沈榮冤獄益忤振遂謫
瞻戍大同景泰初刑部尚書俞士悅都御史陳鑑
辨其冤復原官瞻持法愈堅與內閣王文論飢民
事不合引年歸加少卿致仕瞻少歲師事郡學訓
導夏時後經其門必下車趨過暮夜亦然人服其
長者所居仰家莊在詩婁二門之郊

顧巽字順中葑溪里人少好學讀書勵行鄉儒周傳
精於易師事之盡得其所授爲文氣腴條暢華實
未得從受易著籍者數百人而賀康孔友諒顧惲

輩皆取高第魁其經巽中永樂甲辰進士未授官
卒時明鼎初定制科文議承先元餘習易學榛蕪
諸家雜山巽理取程朱而酌於漢唐註疏不爲詭
奇之論吳中易學實始於巽說者謂不疑漢楊何
云子瞻孫餘慶俱第進士

盛寅字啓東居長洲之平江路從王賓學醫精其術
永樂中治內侍盛症有奇効名聞於上授御醫嘗
扈從北征東宮妃張氏十月經不通衆醫以爲有
身也而脹愈甚一日上謂曰東宮妃有病往視之

疏方皆破血劑東宮怒曰早晚當誕皇孫此方何也不用數日病益急乃復召診之曰後三日臣不敢用藥矣仍疏前方乃鎖之禁中既三日妃服藥下血數斗疾乃平知爲神醫也宣宗卽位殊見敬禮卒年六十有七所著有流光集

練綱字從道尹山人中宣德十年鄉試以春秋著名卒業太學郕王監國上中興八策旣也先犯京城綱極言和議不可就南遷不可從宜倚重于謙石亨分任戰守擇親王忠孝者尚守節勤王撤陝西

守將入衛王從之拜監察御史景泰改元巡別淮
離政駙馬都尉趙輝牟利糾之復糾尚書何文淵
侍郎項文耀典選不公而薦尚書王直侍郎俞山
爲可用帝嘉其直時御史左鼎善章奏綱善彈劾
京師諺曰左鼎手練綱口公卿以下咸懼之後按
福建與按察使楊珏互訐俱下吏珏請知黃州綱
判邠州未幾謫經歷卒祖名則成洪武中官南道
御史嘗劾大臣不法人多側目後貶官中毒卒綱
不愧祖風而以言被禍後先一轍

施梯字天祿郭巷人少歲補郡學生領鄉薦屢試禮部不第就選得湖廣永州同知會守缺人署府事清惠相濟嘗勘事郴州道過徭賊問姓名從役欲更名應之梯曰政欲賊知我名何更也賊曰吾聞施公善撫民吾忍犯耶解散去任滿擢宗人府經歷久之出守姚安姚安遠在滇南夷獠相雜剽悍易動梯一以禮法恩信示之凡二載悉烝向風乞致仕歸已治裝矣疾作遽卒同知高鳳士官也哭之甚哀獠民有乞衣冠葬者襁歸葬尹山之陽

顧瞻字敬顧一字德明中正統丙辰進士授翰林庶吉士調行人臺臣薦爲御史出治山東鹽筴值歲大祲設法賑之活者無算常議獄贖鍰以佐荒政時太保王文爲御史大夫數稱其才期滿當代民泣留從之已而按察七閩閩大治又爲贑州守贑近嶺南多洞穴穴中堪頑獷民苦剽掠瞻用兵搗其穴平之詔賜金綺瞻長於爲理人不能欺後王文成撫贑多設城堡控制洞蠻民賴以安贑人祀文成因并祀瞻以報厥績云

劉珏字廷美號完菴少警敏太守况鍾聞其才推擇
爲吏謝弗願願就博士學守許之遂舉正統戊午
鄉試以材薦授刑部主事歷官山西按察僉事年
甫艾卽致政歸閉門却掃圖史間別作詩揮灑性
靈尤長於七言而畫筆出入吳興黃鶴間長絨巨
幅經營林壑稱神品焉

陳繼字嗣初汝賢子生十月父死母吳矢節立孤繼
通經學人呼陳五經以古文名奉母孝仁宗初有
司上其事命御史廉之繼方出汲母立門外繼提

龔偃偃甚恭既汲母予以壺漿拜而飲上聞重其
行時初開宏文館用楊士奇薦召授五經博士領
閣事與學士楊溥侍講王璉時備顧問宣宗初預
脩兩朝實錄進檢討踰年引疾致仕歸子寬完皆
有文名

龔吳縣人今祠堂在
縣橋巷東隸元和

劉鉉字宗器號假菴少孤事母盡孝嘗割股以療母
疾永樂中舉順天鄉試授中書舍人宣德時預脩
兩朝寔錄遷兵部主事仍供事內廷再修宣宗寔
錄進侍講正統末教習庶吉士景泰中進侍講學

士直經筵旋以高穀薦遷國子祭酒遭母喪旨奪
情不奉詔服除復舊職時陳恂已爲祭酒帝重鉉
命與詢並任蓋異數也天順初擢少詹事踰年卒
於位鉉性敦厚言行不苟其卒也帝臨朝悼嘆曰
安得學行並優如斯人者耶成化初謚文恭著有
假巷稿

王敏字時勉賓從孫宣德時人治病多奇中摠戎某
嘗宴客伶人爲女子粧飾酒時無疾敏謂帥曰伶
明年當死帥詰之曰頰諸面色青羸氣微促肺

經受病肺金也火能克金火令司天其殆矣明年
六月歐血死一千戶年二十患病體熱頻咳昏憤
作譫語衆以傷寒治敏曰此痘也與升均湯而痘
出一人痘發背不起瘍醫言瘡起可治敏曰脉擊
指起亦不治三日果死其神效類此時同邑錢瑛
字良玉晉府良醫正宗道子宣宗時入太醫院寧
陽侯孫生九月驚悸數啼多汗百方不治瑛命坐
兒於地使掬水爲戲啼頓止人問故曰時當春暮
兒豐衣帷處不脫保母懷抱鬱熱難泄近水則火

邪殺得土氣則藏氣平兒無事矣不藥愈同時又有張顧以瞽人治病能豫刻年月決人生死並有名吳中

韓雍字永熙弱冠中正統七年進士授監察御史出巡河道旋巡按江西糾彈墨吏衆不寒而栗英宗北狩西南寇盜充斥鄧茂七乘機反巡按福建御史汪澄牒鄰境會計俄以賊議降止兵雍曰賊果止兵未晚也不然吾有備無患趨進兵賊復畔以是服雍之能擢都御史時石亨伏誅鄧衣指

擲劉敬坐飯亨于直房勸黨論死雍抗言勸黨者
謂阿比濁亂朝政也以一飯當之何以處朝夕趨
其門者敬得不坐已復巡撫宣府大同晉兵部侍
郎英宗崩左遷浙江叅政憲宗初兩廣蠻寇大起
所在殘破拜都督趙輔爲將軍發湖湘閩粵兵十
五萬討之兵部尙書王欽言韓雍才氣無雙欲滅
賊非雍不可遂拜雍左僉都御史雍馳至南京與
諸將議進取時朝議謂賊在廣東者宜驅在廣西
者宜困期一二年撲滅詔錄示諸將衆請分兵雍

曰大藤峽爲賊藪本也諸軍不先窮其本乃分趨其末分兵勢弱趨末難盡我全師并力先取脩仁荔浦以孤賊勢乘勝取大藤峽直傾賊巢根本既傾餘迎刃解矣衆從之遂督大軍倍道進擊所過披靡剗修仁下荔浦諸洞盡克將次至大藤峽衆議峽乃天險不易攻不如以大軍圍之俟其自斃雍曰兵貴神速峽周圍五百里縱甲兵數萬豈能斷其出入吾決計急攻有言不進兵者軍法從事總兵官歐信等爲五哨攻其北已與韓等爲八

攻其南。叅將孫震等二軍從水路入而圍之。將守峽口賊於山南立柵柵甚固。滾木礮石標鎗藥弩如雨下。峽直上。下餘丈如劒立。雖峭壁不能上。雍身披重鎧。帥敢死士。周圍牌扒山虎等器。冒險進。三軍大呼。緣木攀藤而登。先是潛遣壯士從間道繞出其後。至是發礮擊賊。轟聲震天。而歐信兵亦從北上。賊不能支。遂大敗。先後破三十餘砦。生擒賊魁侯大狗及黨與七百八十餘人。奪回被擄男婦二萬餘人。斬首及墜崖下死者無算。賊平。

峽有藤如蛟龍橫亘兩崖間群蠻歲度名大藤峽
雍斧斷之改名斷藤峽勒崖石紀功而還進雍右
副都御史提督兩廣軍務雍遇事機警威嚴若神
方進兵大藤峽時有儒生里老數十百人跪道左
願爲嚮道雍叱曰賊敢給我令縛而斬之左右錯
愕何乃殺良民既縛袖露利刃迺知間也悉斷手
足剝腸胃挂箐棘間賊驚爲天神時中貴人黃沁
謂雍濫刑殺降擅作威福竟勅令致仕歸五年卒
年五十七正德中諡襄毅

陳鑑字緝熙中正統十四年進士殿試第二人授官
編修景泰中充講官進修撰天順初奉使朝鮮還
侍讀預修統志修英宗寔錄成進侍讀學士陞祭
酒初國子月給錢爲會餼費然多不時給則貯爲
公費會前祭酒邢讓與衆有隙言者謂讓以公錢
入已事并及鑑延問時讓爭辨不已鑑默不一言
人問其故鑑曰吾爲祭酒對刀筆吏掉舌非自褻
褻國體也與讓俱除名未幾卒鑑父潤以罪戍葢
州鑑請於朝迎父輶歸葬并迎母歸後居母憂方

修寔錄有詔起鑑兩上疏懇終制允之人重其行
故居在縣東後爲黃魯曾兄弟宅

劉溥字原博八歲賦御溝詩人稱奇童長侍祖父遊
京師宣德中授惠民局副使溥精天官占驗律歷
之學正統十二年京師牛妖足五一足生於領蹠
反向上溥占云足五餘氣也高於領小人在上也
反向外寇驕中國也越二年帝自將北征溥從群
臣後送駕見日暈中黑外赤心愈憂乃賦送駕詩
見志俄有土木之變言者交薦於朝不報卒授太

醫院吏目非其志也博長于詩與安澤諸人稱予才子有草窓詩稿

欽謙居寶光寺側官太醫院判宣宗數召見索秘方三問以不知對最後謙伏地曰臣以醫受祿職在保護聖躬陛下承祖宗洪業宜兢兢自愛若此等方藥先賢不傳臣死不致承旨宣宗媿怒命武士以旃裹頭付詔獄囚寤室中久之上悔悟釋出復其官正統末隨駕出關殉土木之難

鄒亮字克明少跡弛周文襄忱訓誡之乃折節讀書

郡守况鍾涖吳嘉亮才薦擢吏部司務遷監察御史稱職亮能詩時政有關失嘗作新樂府數十章上於朝頗見采納人謂之詩諫弟順字克和宣德乙卯舉人仕辰州知府亦能詩

盛景字允高景泰辛未進士授監察御史清理山東馬政解職出按廣東瀧水賊頗熾景單騎入賊壘諭降之使還劾巡撫揭稽不法又劾鎮守兩廣王邦失當軸意會內苑翠被錦褥張水嬉疏諫上命予杖謫古田典史天照改元遷羅江令邑寇

胡元昂亂緝平之流寇趙鐸聚徒數萬所至屠戮
巡撫陳惟事招撫賊益猖獗累上章直陳事勢即
自勦捕殺賊賊大敗川蜀賴以安全特陞叙州府
又值戎人洪筠高土猺叛朝廷命內外大臣統兵
討之杲在陳後見前軍却突出衝擊流矢貫兩耳
血流肩背益力戰斬獲百級創甚昏絕得救甦使
者列上功未報以病廢致仕朝廷遣使賫璽書金
幣寶鈔賜於家卒賜葬陽抱山勅建專祠婁門外
孔鏞字韶文孔聖里人景泰甲戌進士知江西都昌

縣改廣東連山兩地有異政擢高州知府時高新
被寇鏞身犯鋒鏑斬賊魁降其餘黨離府城三十
里有茅洞洞袤數十里廣屯賊兵推鄧公長爲渠
時出攻殺鏞視賊中兵羸弱難以力勝乃身往招
之賊見一騎來露千刀夾道相向鏞徐徐至其營
下馬中坐曰爾殺我甚易願我來生爾者爾輩皆
良民官府不善撫御至於此能反逆歸順卽我子
弟賊曰爾何人曰我孔太守也賊曰聖人兒孫耶
然賊皆羅拜鏞與極論禍福利害極言背逆無

令終者且過歷賊營諭以大義晚索食飽餐夜高
臥賊帳中四鼓命賊導歸衆謂太守已死方議設
兵戒備及歸大驚明日降者萬餘人數日賊皆解
散鎮臣上其功陞廣東按察副使歷廣西按察使
平荔浦賊遷左布政使甫上事擢右副都御史巡
撫貴州貴州苗尤獷悍名阿剌者善策算而其子
名溪有勇力可敵千夫父子雄長溪峒間時殺傷
官兵二十年人莫敢制鏞先擒其黨降之授以計
率壯士掩襲擒二人至不勞大軍平定劇賊功在

旦夕鏞之謀也鏞討荔浦賊時高樹旗幟大書姓名賊望見曰孔公天神也俱竄走故一戰平之入爲工部右侍郎舟至富陽暴卒年六十三

尤淳字公厚安禮孫居臨頓里景泰四年爲鄉貢士知鉛山縣訓永年前縣有冤獄連坐二十餘人淳至俱得平反淨慈寺院歲有一僧焚身舉國男女奔走金錢輦集淳心動率伍伯往覘有僧坐積薪上手足纏縛肩頸攢蹙命下之僧不能言飲以藥少頃泣曰身係逆客道人挾我來兵飲大醉醒時

身在薪上口瘡無從叫呼亦不知何由癰髮也淳
鞠得其奸狀諸僧伏法縣與寺愚民如夢覺後以
峻直去官于樾字宗陽正德四年中禮部試累官
太僕寺卿有純行

杜庠字公序中景泰五年進士知攸縣卽罷歸以詩
酒自豪在都下會飲于陸孟昭館中海內詩人畢
集雲間張汝弼揖曰此過赤壁題驚人句杜先生
也持酒前爲壽長安中呼爲杜赤壁落句云千年
忠義出師表萬古江山八陣圖一時傳寫藝苑

沈鍾字仲律泓之孫世居甫里後徙金陵中天順四年進士授驗封主事陞提學僉事進副使提學湖廣山東與章懋羅倫諸人稱十君子乞休歸時弟鑑仍居長洲鍾往來其間每當省幕集故鄉親友宴飲無虛日以俸入給期功之貧者年八十餘卒生平喜爲詩有中唐風趣鑑字幼誠成化八年進士仕至工部主事亦工詩未第時與諸兄弟讀書於高樓面臨荒江聚謝人事不下者五年卒成令名

文洪字公大廬陵籍先世遷於長洲通經學弟子經
指授者每得高科洪屢試輒北成化元年始中鄉
試越三年子林亦舉於鄉歲壬辰與林同應春官
試林成進士而洪得副榜遷涑水教諭以病辭歸
卒林字宗儒初知溫之永嘉後改博平陞南京太
僕寺丞告歸數年起知溫州府以廉平稱未幾卒
於官至無錢具棺槨郡人哀之居鄉與李太僕應
禎楊儀部循吉沈處士周善而徐廸功顧卿唐解
元寅以後輩推獎之洪次子森字宗嚴成化末年

進士令慶雲歲旱有蝗災捕得命瘞藏之或問故
曰野無青草異時何以自明旣朝廷遣使驗民賴
是免賦而他郡多坐累改鄆城縣以氣折德王入
爲浙江道御史乞歸再入爲河南道陞南太僕少
卿旋陞右僉都御史乞休歸五年卒森與林弟兄
師友林子徵明受業於森森子斗受業於徵明而
皆本於洪之家學洪嘗求葬地術者指一舊塚曰
得此必貴其家願遷以售洪斥不用予以金俾村
之人歎爲盛德後子孫代爲名臣

胡琮字文德成化二年舉進士令江陵時盜王不悅
縱其下椎埋劫奪琮繩以法王託餽食名遺以金
錢琮峻却王知不可劫持相戒歛戢終琮之任不
敢橫考最入爲監察御史以言事黜麻城令稍遷
常德同知常守其淡信琮非琮莫與計事有大璫
自滇還過郡索賄賂撻辱官吏琮引伍伯出聲言
欲檢其橐裝璫懼急引去他日有詔括金諸郡檄
牒交下琮贊守持不卽行僚屬恐緩行詔書得罪
琮曰常德本不產金况遭歉歲可額外徵乎卽罪

罪主議者不以累諸君也已而詔罷不徵他郡先
奉行者皆慚媿丁母憂起爲處州同知時州缺太
守政俱自琮出州民掘地得礦中官欲奏籍于官
爭之不得卽上疏抗言朝廷從之民皆德琮欲叩
關請爲太守而琮已無宦情矣會考滿赴吏部乞
致仕後增秩山西叅議年七十九卒無子

吳寬字原博吳之干將西里人父孟融以孝行著融
父壽宗疾往西山汲澗煮藥日三十里無間寬性
溫雅和厚弱冠貢重名舉成化壬辰進士第一人

授修撰入史館侍東宮進位宗伯寬既居審論德
敘之任又爲朝廷禮官深懼輔導不力爲近習所
移嘗侃侃正言多所補益帝甚嘉之孝廟時周太
后崩議升祔禮未定寬引魯頌姜嫄闕宮春秋
考仲子宮皆別廟漢唐皆然至宋始有並謝如嫡
者此非禮之甚不足爲天朝法帝從之爲別祀奉
慈殿不得與奉先匹又議元吳澄祀于學云禮所
謂有事於先聖先師凡有功經學者稱師別於先
聖不貴其全也若漢馬鄭諸儒皆得稱師澄何可

廢耶寬之學無不考而經義尤深官尙書時爲其
父治圃東城有亭臺竹石之勝所謂東莊是也致
仕後徜徉其間講求法書名畫士大夫有以文辭
請者不少各故寬之文獨多於詩所刻文曰家藏
集卒諡文定

顧餘慶字崇善甲辰進士巽之孫丙辰進士雍之子
中成化壬辰進士授工部主事孝宗朝吳中大水
廷議擇京官明習水利者疏治餘慶以吳人佐冬
官而又長於水利用是奉詔治水經年蓄泄有方

克副厥職朝廷稱其能當大用而餘慶已滄於仕
進里居築三辰堂太保晉蒙泉爲書額而王濟之
吳苑遂徐仲山張東海及皇甫兄弟皆爲賦詩落
成龜菴又爲之記以三世俱發祥於辰以爲異云
徐源字仲山居瓜涇港成化十一年舉進士授工部
主事改兵部時山東徂徠等處水溢源奉命相度
泉脉修治之而天下武功爵幾淪數萬坐耗不資
爲之按籍核實濫冒一清天子知源才出爲廣東
叅政值雲桂猖叛源深入瘴癘督師濟餉寇賴以

平宏治十四年陞都察院右副都御史巡撫山東
唐歲方大祲道殣相望源憂心加籌與勅使侍郎
何鑑分行賑濟割臨清倉米八萬餘石補漕額至
明年將徵償又爲民陳疾苦狀詔悉蠲之齊魯之
間民得以甦會闕里文廟災源疏請修復落成上
命閣臣李東陽與源釋奠蒙白金文綺之賜學者
榮之源在部曹時逆瑾擅政權貴請賜諸曹郎奉
命雖謹而源陰籍其姓名將入告權貴爲之斂手
在東瀛涇王就封於沂以水漕將陸行之困大

爲騷動源檄所司亟發卒蹙於順流而東民卒無
擾少時母病目背源朝夕侍之不少倦隔歲而目
明所著詩文樸茂淵雅有瓜涇詩文集孫禎官參
政

陳璠字玉汝號成齋舉成化戊戌進士授兵科給事
中歷刑科給事中擢大理少卿進南京左僉都御
史又進左副都御史兼督操江諸軍乞休卒於家
璠未第時同吳文定公寬爲古歌詩雜文不屑程
式久困場屋人咎之璠不改會試所射策以能悉

僻事史館交重其名稱曰此吳先生教我也遂師事之生平所居官俱佐臺事與法司爭論妖僧獄繼論中官及寧陽侯陳輔諸不法事皆剛正有節槩而自恨不獲以文史顯悒悒不樂爲未竟抱負云所居在大姚村

蔣廷貴字原用世居吳淞江之濱廷貴爲諸生通易理成化七年舉南畿又七年成進士授永平樂亭知縣方視事歲適大飢民剝樹皮以食廷貴曰我輩位卑然救民我責也亟具疏奏免什六七民恃

以不轉徙師出建州道經永平廷貴承部驛總出
海諸關驛凡車馬芻食於師無缺于民不擾樂亭
地故僻前令治率苟且廷貴舉廢治關越二年而
境內大治縣治後故有門吏出入通餽謝無忌廷
貴塞之會病作不便者撼以陰陽吉凶之說曰人
孰無死卽死命也門何預焉治事益力病大作又
撼之終不動乃歿郡守以下皆哭之歿後一月生
遺腹男名熾字仰仁母徐爲武功伯天全翁女盡
四歲母曰授小學卽成誦八歲達四子書諸經十

一屬文能作驚人語補弟子員郡庠試南都自方
岳重臣及部使者皆器重比之江夏黃童性孝謹
受母教恭肅如嚴師年十七得疾死良吏竟無後
周詔字希正少隨父秦令海外樂會父卒有欲留娶
之者詔曰父死之謂何而又因以爲夷乎遂削削
萬里歸其喪長益自勵成化庚子舉於鄉爲興國
紀善時典則未備乃本祖訓爲書數千言以規佐
之及睿宗登遐寄以後命因朝夕納誨世宗尤見
親信及入繼嗣歷念藩邸傳學耀前事特讀大禮

議興諸臣不能將順屢有評論上爲赫怒多見斥辱詔轉移密勿常謂陛下制禮尊親羣臣未達然不敢阿附固其忠諒今若亟罪彼懷二三將何以罪之因免冠請老上爲動心尋進太常少宗伯卒

沈林字材美世爲官浦人中成化辛丑進士初任晉州民間利害次第罷行州人尸祝之云小沈公吾父母也時年未三十故云入司刑曹出知廣西順慶府鋤頑穢除淫祀建城郭興學校大吏以材能

薦陞雲南叅政時訛傳安南舉兵將內向遠近懼
懷大臣謀治兵應之將上聞林曰我無纛何得內
侵應彼地自相賊殺耳卽馳至偵之果然衆服其
靜鎮陞山西布政入覲時太監劉瑾盜政奴視內
外官林不爲禮因落職瑾敗起廣西布政旋陞貴
州巡撫貴當湖獨接襄陽僮僮居銅仁烏羅諸苗
時出殺斂前撫臣以化外不究久之叫喚謹譁次
及內地林謂醜類不掄刈民何以安帥將士深入
截其根道俟賊圍縱擊繼以火餘衆燬滅殆盡

縛龍通保等俘獲牛羊器械無算陳家莊等方
十餘寨以次降順開田一種按地給與悉爲良民
丁父艱歸服闕詔起山東巡撫中途病劇乞致政
歸後四年卒年六十九孫名大謨恩應潯州太守
亦有政聲

沈勲字有虔號愛筠詩溪人成化十七年恩貢仕國
子助教端重有師法時祭酒陳驥以詩教訓士勲
謂詞華取人恐長浮競宜以篤行實學爲主驥然
其說肄業六堂者一時丕變商文毅公輅器重之

任二年遭父憂歸服除不起文毅公題竹泉春雨
詩以贈高其志也居鄉黨自抑損子弟有蕩佚者
召之至與講古人孝弟廉潔事以化導之遇歲歉
斗米三百錢道殣相望家紆之家漸落不悔後
泛舟吳江之簡村被盜盜曰爾非沈助教乎曰然
盜皆俯首拜曰是嘗活百里外人等何忍劫奪
悉還所有焉子濟有古文名

量字用理號蠢齋隱居苕郊終身不娶居三鰥
苦黃葉折鎔敗絮蕭然樂也嗜古無飲食計繹之

外唯堆積書卷或叩以疑義如貫珠引繩少率吳
文定公訪之值處士方執爨無童子應門少宰假
鄰家木榻坐門外俟其終食乃進僉事陳公永錫
致政歸峻厲不與世接惟挾冊就處士質疑處士
經歲不一往郡守某聞其名令以詩見處士曰古
有采詩無獻詩吾豈以爲羔雁哉卒不見有遺稿
若干卷門人朱存理序而傳之後從孫麗文名參
性孤子早歲喪妻不再娶客至無人具茗椀斷薪
火以冷食自給遇大雨雪客往視之屋三角已滲

方利集 卷二十一
滿參把書一冊坐一角不滲處見客哦所得佳句
鏗鏘發金石聲其高隱亦相埒云

戴冠字章甫嗜古學屢試被絀循年資貢禮部授紹興府訓導以其學教授諸生稱職叅議韓某訪水利得失冠條析今古利弊及興築事宜韓如其言行之民甚便未幾爲怨家所誣遂罷歸先是三原王公恕撫吳重冠名召見每共談政治及冠謁選三原爲大冢宰訝曰爾尙舉子耶因問當今切務冠條數事大要以用賢爲國家最急又勸三原不

棄道言不恃已見勿以嘗挫折違素志言論侃侃
多所諷勸三原改容納之退謂左右吾於鄒汝思
外日中惟見此人也罷官後益究心身心之學正
七年卒年七十一所著有濯纓集

朱存理字性甫世居禾葑溪幼從學里師知其業卑
淺難進於古乃從杜瓊先生遊自少至老未嘗廢
學聞人有奇書必借借必手自繕寫自群經諸史
下逮山經地志無不觀覽所纂集有經子鈞元吳
郡獻徵錄鐵網珊瑚等書詩有野航集同時有朱

堯民凱亦不樂榮利能識前人理言遺事亦性喜
購書減衣削食以遂嗜好恬如也時稱兩朱先生
正德七年存理死後一年凱亦死文待詔徵明志
存理墓及凱謂兩先生歿吳中故寔往往無所於
考焉

王觀字惟頤賓曾孫有隱人風治疾審天時地氣五
行生尅不膠故方遇病者家貧苦以已資賑之人
服其道術之良江南北推爲上醫張世華字君美
順子嘗入太醫院從征西南軍士飢渴寒暖不節

多道病投以藥輒全活其中大獲世譽諸藥是公
通衢隨請而應有剛以金者笑而謝之

陸完字全卿甫里人爲諸生時中官王敬五孫以事
廷見諸生諸生奮擊之完實未與惡完有中之敬
首列完名上聞巡撫王恕疏敬罪上逮敬還完得
免舉成化末年進士出選恕方爲冢宰曰是嘗擊
鬪人者當爲御史已果有聲臺中武宗時累遷至
兵部侍郎時大盜劉六劉七楊虎齊彥明等聚眾
數萬惠安伯張偉都御史馬中錫討之無功完身

請往進右都御史假節鉞用軍興法得誅二千石
以下完率副總兵游擊等敗楊虎於霸州虎死餘
賊援山東完擊破之復突霸州京師戒嚴朝命都
御史彭澤咸寧伯仇鉞與完三道進兵賊數剽六
中流矢死餘黨奔邳州又抵鎮江完會軍進討賊
抵通州遭大風棄舟走狼山完夜導兵登山賊之
旗麾所指三軍奮擊彥明劉七先後中矢赴水死
餘賊平還朝進兵部尚書加太子太保改吏部尚
書加少保完以書生仗義立功關外遂長中臺領

百官吳中以戰伐著者韓襄毅雍外莫之或先也
前此在按察時爲寧王所激所器重及爲兵部王
陳舊好欲復舊衛并屯田完答書令以祖制爲詞
如其言請上許之後宸濠反株累並逮繫完論死
世宗立以平賊功在八議之列成福建靖海衛初
完嘗夢至一山曰大武及至靖海有山如其名歎
曰數已前定何必逃耶遂卒於戍所年七十